



Broj: 02-001/15
Vareš, 05.01. 2015. godine

Na osnovu Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom broj 1446/2014 godine, usvojene od Vlade Federacije BiH, objavljene u „Službenim novinama Federacije BiH“ broj 66/14 od 15.08.2014.godine i Odluka o utvrđivanju kriterija , dodjele i usmjeravanja sredstava nastradalim područjima broj:01-14-9/14 od 04.09.2014. godine donesene od strane Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine- Upravnog odbora i Pravilnika o postupku objavljivanja konkursa za dodjelu sredstava iz Federalnog fonda za pomoć nastradalim područjima od prirodne nesreće na teritoriji Federacije BiH objavljen u („Službenim novinama F BiH“, broj 65/14) od 13.08.2014. godine, Općinski načelnik Općine Vareš, d o n o s i

P R A V I L N I K
o postupku objavljivanja konkursa za dodjelu sredstava

I

Ovim pravilnikom uređuje se postupak objavljivanja konkursa i odlučivanja o odabiru osoba kojima će iz sredstava Federalnog fonda za pomoć nastradalim područjima od prirodne nesreće na teritoriji Federacije BiH, biti dodijeljena sredstva za sanaciju i izgradnju stambenih objekata za potrebe porodica čiji su stambeni objekti oštećeni ili uništeni usljed prirodne nesreće, koja su Odlukom o utvrđivanju kriterija, dodijeli i usmjeravanju sredstava nastradalim područjima broj: 01-14-9/14 od 04.09.2014. godine odobrena Općini Vareš u ukupnom iznosu od 31.954,09 KM.

II

Općina Vareš raspisuje javni konkurs za dodjelu odobrenih sredstava u svrhu sanacije i izgradnje stambenih objekata za potrebe porodica čiji su stambeni objekti oštećeni ili uništeni usljed prirodne nesreće u skladu sa utvrđenim kriterijima, donošenjem posebne Odluke.

III

Javni konkurs za dodjelu sredstava iz člana I ovog pravilnika objavljuje se u jednom dnevnom listu, na službenoj stranici Općine Vareš, Hrvatskom radio Bobovac i na oglasnoj ploči Općine Vareš.

Tekst javnog konkursa sadrži:

- 1.Predmet javnog konkursa,
- 2.Korisnike sredstava koji imaju pravo na podnošenje prijave,
- 3.Uslove kojima podnosioci prijave moraju udovoljavati,
- 4.Popis dokumenata koje je potrebno priložiti uz prijavu,
- 5.Osnovne kriterije odabira,
- 6.Mjesto i rok za dostavu prijave,
- 7.Rok za donošenje odluke o odabiru.

IV

Rok za podnošenje prijave na javni konkurs ne može biti kraći od 15 dana ni duži od 30 dana.

V

Za pripremu konkursa, provođenje i obradu prijava na konkurs Općinski načelnik će imenovati posebnu komisiju.

Komisija će na osnovu obrade prijava, a shodno usvojenim kriterijima, dati stručnu ocjenu i prijedlog odabira osoba, porodica čije će se prijave prihvatiti, te iste rangirati po prioritetima nakon bodovanja.

Izvještaj o provedenom javnom konkursu, stručnu ocjenu komisije i listu sa utvrđenim prioritetima Komisija dostavlja općinskom načelniku radi donošenja konačne Odluke o odabiru korisnika.

Članovi komisije ne ostvaruju pravo na naknadu za rad u komisiji.

VI

Općinski načelnik će osnovati Komisiju za prigovore koja će po završenoj proceduri dodjele sredstava, razmatrati eventualne prigovore korisnika sredstva.

Protiv Odluke o odabiru korisnika učesnici konkursa mogu podnijeti prigovor komisiji za prigovore u roku od 3 dana od dana prijema Odluke.

Prigovorom se može tražiti presipitivanje provedene procedure u smislu eventualnih propusta u ocjeni prijava korisnika od komisije.

Ako Komisija za prigovore uvaži prigovor, novu odluku će dostaviti svim učesnicima javnog konkursa.

VII

Po konačnosti Odluke o odabiru korisnika, općinski načelnik i direktor Fonda sa svakim od korisnika pojedinačno sklapa ugovor o dodjeli sredstava.

U ugovoru se navodi iznos odobrenih sredstava, dinamika dodjele, uslovi i način korištenja dodijeljenih sredstava, način praćenja namjenskog korištenja sredstava, te ostala međusobna prava i obaveze potpisnika ugovora.

VIII

Ovaj pravilnik stupa na snagu danom donošenja.

OPĆINSKI NAČELNIK

Kovačević Avdija, dipl. pravnik